

در سعادت‌نده یکی پوسته‌خانه قارشوسنده  
دائرة مخصوصه در  
محل اواره :

# مستطابق

انظار :

مسلكنزه موافق آثار جديده مع المنونيه قبول اولنور  
درج ايديلمين آثار اعاده اولنور

دين، فلسفه، ادبيات، حقوق و علوم دن باحث هفته‌لق رساله در

مؤسسلى : ابوالعلا زين العابدين - ح. اشرف اديب

در سعادت‌نده نسخه سى ۵۰ باره در

تاريخ تأسيسى :  
۱۱ تموز ۳۲۴

قبريله دن مقوا بورو ايله كوندريليرسه سنوى  
۳۰ غروش فضله آلنير.

سنه لى القايلى	در سعادت‌نده
۳۵ ۶۵	ولاياتده
۵۰ ۹۰	ممالك اجنبيه‌ده
۵۵ غروشدر.	

در سعادت‌نده پوسته ايله كوندريليرسه ولايات بدلى اخذ اولنور.

# سلامه فارسی

## ششمی فصل

قادیان اعمال خارجیّه در کنگره مشارکت ایده بیلیری ؟

قادیانلرک افراد امم اراننده کی اسارتنگ اکیچیرکین شکلی بیچاره لرک زمام ارادتلرینی بویونلرینه دولایه رقی او نازنین وجود لرلیله ، او رقیق او مرحمتله لبریز ، شفقتله مشبوع قلب لرلیله ، روح لرلیله بو جد لکاه معیشتله صالیویرمک ، بر لقمه اکمک بوله رقی آچلقدن اولمه مک ایچون زوال لیری ارککارله اوموز اولچمکده مضطر براقق ؛ اوزون کونلرینی حق کیچله لرینکده بر قسمتی فابریقه لرک آلورلی ، دومانلری ایچنده کچیرمیه یاخود سوقاق اورته سننده قلمده ، برچوق سفالتزدکان بشری وارلقدن نومید ایدن هیجای مهیب مدنیت اراننده سورونیه سوق ایتمکدر .

اگر کونک برنده کیدرده آوروپاده کی آمر بقاده کی فابریقه لرک الکیوکلرینی کزه جک اولورسه کز اومبانی مهابت فرمانک و خارق العاده عظمتیه ، نظری همانده احاطه دن عاجز براقه جق درجه ده کی وسعتیه برابر ایچیریمسنه کیرنجه کوره جککز حال بردن بره سزی مهوت ایده جکدر . اوت اوراده قادینه ، بو جنس رقیقه منسوب بر چوق غلبه لکلر کوره جکسکز که اک مشقتلی ، قوای عضلیه یی کز زیاده یوران شداند اعمال ایچنده اوغراشوب طور ییورلر : قیزغین او جاقلرک باشنه دیکلمشدر ، متاعب حیاتی ، تلخی معیشتی اقیام ایتمیه چالیشیورلر . ایشته او زمان بیچاره لرک او جهنمی آتسک قارشوسنده طوره طوره قاورولمش اولان چهره لرنده شو عباره یی اوقویه جقسکسکز که ابدیا مخیه کزدن سیلنمیه جکدر : « بو حال ارکک طرفندن قادینه تخمیل اولنان اسارتنگ اکیصوک درجه سیدر . » هله زوال لیرک بر آزیانلرینه کیدرده او جحیم ملتهدنه قدر یومیه آلقده اولدقلرینی صورارسه کز ایچلرندن یوزلرجه ، بلکه بیکلرجه قادین رفع صوت ایدرک او قسر طاقتفرسای بدنسوز کد و مشقته قارشی هر برینک آلدینی اجرتک کونده یکر می ساتیمی یعنی بر مصر غروشنی کچمدیکی جوانی ویرلر . بو ایسه بر پاره درکه یاشامق همانده قابل دکدر . صکره نظریکزی برده طبیبه لره ، مهندس لره طوغری توجیه ایده جک اولورسه کز بونلری علم و مدنیته اک ایلری کیتمش اولان مملکتلرده بیله انجق یوزده بش نسبتنده بوله بیله جکسکز .

بزده قادینلره حریت مطلقه ویرمک استهین ذوات ایسه بو حاله عصر حاضر علماسنگ باقدینی نظرله یعنی بر مرض اجتماعی نظرله باهرق اولانجه همتلرینی ، آوروپا و آمریکا حکماسنگ یابدینی کی - مملکتیزی بوندن صیانت چهنته صرف ایده جکلری یرده بز آوروپا مدنیته یی آدم آدیم تعقیب ایدیورمشر ظننده بولنیورلرده اوزریمزه بو قورقونج قیوی آچیه اوغراشیورلر . لکن بوذوات بزم حیات اجتماعی اسلامیه منک محافظی اولان قوتلری آراجق دوشوش او لسه ییدیلر

بدنلرینی ، ماللرینی صرف و اذایندکلری شیلرک سر و حکمتی ده تقدیردن طاجزم .. یالکز سنک شو کلام حقنی تکرار ایدرم : ( فانم الاتعمی الابصار و لکن تعمی القلوب التي فی الصدور ) [۱]

شو مقدمه دن صوکره صده کلام : اوزرنده یاشادینمز ارض بویوک بردارنه ، برکره درکه مساحه سی ۵۱۰ میلیون کیلو مترو تربیعنه مساویدر . بونک ایکی ذولو حرکتی واردر : بری کنندی محوری اوزرنده اولوب بو حرکتی ایله بوتون اطرافنی ، اجزاسنی متمادیا کونشله معروض قیلار ، و بوندن کوندوز و کیچه حاصل اولور . بو دورینی ثابته ده اوچ میل سرعتله حرکت ایدرک ۲۴ ساعته اجرا ایدر . ایکنجیسی : شمک اطرافنده اولان حرکتی درکه بوندن ده سنه نک مختلف موسملری حصوله کلیر . بوفصللرک ، موسملرک حکمتی ده میدانده دز : اگر بو موسملر حصوله کلمسه انسانلرک ، حیوانلرک مدار حیاتی اولان اکثر نباتات نشوونما بولماز ، ارض خراب اولوردی . کره ارض بو دوری تقریباً ۳۶۵ کونده اتمام ایدر . بو دورینی اتمام ایچون ثابته ده ۲۹ میل سرعتله حرکت ایدر . ارضک بودورنده میلیونلرجه سنه لرکچدیکی حالده نه نظام و ترتیبی بوزولمش ، نه ده بر حکمی ، حادثه سی فنا بولمشدر . ارضک قسم کلیسی ، چوغنی طوپراق دکدر . درته اوچی آچی ، طوزلی صودر . بونک آچی طوزلی صو اولسنده بویوک بر حکمت واردر : اگر بویله طوزلی آچی بر صو اولمیه ایدی ، قوقار ، تعفن ایدر و انسانلری ، حیوانلری ، نباتاتی زهرلین ، اولدیرن میقروبلرله دنیا طولاردی .. بیلورز که : صو حرارتک هر درجه سنده بخاره انقلاب ایله اوچار . دکزلرده بو قاعده جاریدر : دکزک بخاری آز ، چوق بر ارتفاع ایله هوایه صعود ایدر ، صوکره تکاثف ایدرک کویک یوزنده کوردیکمز بولوتلر حاصل اولور . قیش کلنجه بولوتلر تحلل ایدر ، یاغور یاغار . بو یاغیش اولیه اولدینی کی دهشتلی کتلرل صورتیه اینمز . اگر بویله اینه ایدی . بویله یاغمش اولدینی یاغدینی یلری هدم و هلاک ایدردی . فقط بویله اولیور : روزکارانلری آله یور ، اوفالتیورده بر یوزینه اولیه یاغور .. ایشته بوصولر حیاتی ایچون اک مهم حوا یچدن ، نوازدن اولان اوطاتلی نهرلری ، اوبراق ایرماقلری وجوده کتیریور . بوراده بر شی خاطره کلیر : مادام که یاغموزک منشای دکزدر ، دکز صوی بو قدر آچی اولدینی حالده ناصل اولیورده یاغور صوی طاتلی اولیور ؟ .. بونک سبی : صوبخاره انقلاب ایتدیکی وقت کندنده اریبه جک ، محو اوله جق نه قدر ماده لر وارسه هپسنی ترک ایدرده اولیه تخر ایدر . بونی اکلامق قولایدر : مثلاً بش غرام قدر طوزی براز ماء مقطر ایله اریتملی ، بریره بر اتملی . بر قاق کون صوکره باقک : صویک تخر ایدوب اوچدینی ویرنده بیاض بر راسبک ، تورینک قالدینی کورورسکز . حتی طارنسه کز اولجه قویدیغکز مقدارک اکسلمدیکی ده میدانه چیقار .

مابعدی وار  
میل نعمه الله

[۱] کوزلر کور اولماز ، بینه کورور .. فقط اصل قلب کوزلری ، بصر بصیرت کور اولورده بر شی کورمن .



صورت جدیده تدقیق ایتدیجه ، امتحانه چکمدیجه اونلرک مدنیتلرندن هیچ بر شی قبول ایتک طوغری اولدینی کبی کندیمزده او مدنیتک نظر فریب اولان ظواهرینه تمایل حس ایتدیگمز کبی هیچ اولمازسه ایی فنادن تمیزه مقتدر اوله بیله من ایچون کوزلریمزی دستمال حکمتله سیله رک نظریمزی برقات دهاجلادار ایتمه من لازمدر . یوق ، اگر کندیمزده بوقدر برماتت بوله مازسه ق هیچ اولمازسه بوبابده اونلرک علماسنک رأیلرینی صورملی یز .

اشته شوساعتده کندی کتبخانه مده اوطوریورم ؛ اوکده بوموضوع ایله مناسبی حائز برچوق کتابلر طوریبوربناء علیه بونلردن مسئله نسایه عاندیتی اولان برینی انتخاب ایدلم ؛ تاکه علل قومیه منزی کندی المزله تداوی ایتدیگمز صورتده ملل سائرته نک ایله ازاله منی پک بیوده یره تنی ایتش اوله جغیمزی مسلمانلر یقیناً اکلانسونلر .

علم انسان علماسندن استاد ( کیوم فرر ) دیسورکه : « ایچنده یاشامقده اولدیغمز مدنیتک شکل حاضرندن طولایی یقینده بر بالای مبرمک سرزده ظهور اوله جغنی لسان تهیدد ایله ناطق علامات جدآ پک چوقدر ( شایان تأملدر ) زیرا کون کچمیورکه نظر تمحری ایچون یکیدن رونمای دهشت اولان براماره مشؤمیه تصادف ایتماک قابل اولسون . اوله ایسه بزده کندیمزی طیب وظیفه سیله مکلف طوتالمده زمانزده کی مرض اجتماعی بی تشخیصه چاشتمده اولان اطبایه ظهیر اوله بیلک ایچون شونو ظهور راهبکک طرز جدیدینی تدقیق ایدلم . چونکه بو راهبکک ، برینه استنادی اولدینی حالده ، بزى رهبانیت دینه نک قرون وسطاده واصل اولدینی درجه نهایه وارمقله تهیدد ایتکده در .

بوکون ازدواجه حائل اولان موانع کوندن کونه آرتقمده اولدینی ، هله ازدواجک اک زیاده یولنی کسمکده اولان اقتصادی ، نامعدود بر چوق اسبابک موجودیتی ارکک قادین هرکس بالتجربه آکلانمشدر . حتی ناسک بر چوغنی بومانعلری تذلیل واقفام امکانی استحصالندن نومید اولدقلرندن بکارغه صبر ایتک ایچون اولانجه وسملرینی صرف ایدیورلر . اوله یسه شمزی بزقولا یجه دیسه بیلیرکه بلا ازدواج یعنی صنعی و غیر طبیعی اولان شرائط حیاتیه داخلنده یاشاملرندن طولایی هر ایکی جنسه منسوب برچوق اشخاصک بتون هیئت اجتماعیه بی تهیدد ایدجهک آثار هالله حدوثنه سبب اولملری ضروریندر . کذلک بکار یاشایان قادینلرک ایراث ایدجه کلری ضرر تجرد طلمنده کی ارککلر یوزندن حصوله کلهجک محاذیره نسبتاً دها بیوکدر . زیرا ارککلک بکارلانی نفس الامرده اوکا بر طاقم صفات خصوصیه ویرسه ده شخصیتی تمامیه دکیشدیرمن . چونکه بو شخصیت ارککلک صورت مطلقده عقنی استلزام ایتدکن بشقه اونى بنات ذوق و طرب ایچنده یاشامیه ؛ یاخود زبایه ده اجبار ایدیه بیلیر . اشته بوندن طولایی بکارلق ارککلرده بووظیفه فیسولوزیه بی کلیاً ابطال ایتمز . قادینده ایسه بونک عکسنه در . زیرا حال حاضرده کی شرائط اجتماعیه قادینک بکارلقده عقیف اولستی اقتضا ایدر ، عفت ایسه والدهک وظیفه سنک معطلیتی مستلزم اولور ؛ بو ایسه اوله بووظیفه در که قادین جسماً و روحاً محضاً بونک ایچون

روح اسلامک وجود قومیتزه ویرمش اولدینی حیات سرمدی سایه سنده بزیم ، عالم مدینی قورقوتان بوکی امراض اجتماعیه نک تماچندن آسوده بر موقعه بواندیغمز بیلیردی .

( المرأة الجدیده ) مؤلفی دیسورکه : « ایشته اسباب مسروده دن طولایی بزده ده صنایع ایله اشتغال ایدن قادینلرک عددی سنه دن سنه یه آرتق لازم کلهجکنی تکرار ایدیه بیلیرز زیرا بز اوروپانک بزدن اول کچمش اولدینی طریق تعقیب ایتکده یز . »

بزایسه جناب مؤلفه بونقطه ده کلیاً مخالفز . چونکه بز اوروپالیرک وقتیه کچدکلری یوله بولندیمز کبی بزده قطعاً بویه برحاکک وجودینی ایما ایدر برشی کورولمه مشدر . ذاتاً بزیم هیئت اجتماعیه منزه ، برده اونلر ککنه طوغری توجیه ایدیلن اک اوافق برنظر وهله اولاده کوسترمکده در که بزیم اصول حیاتیه من ، وسائط مدنیه و اجتماعیه منله اوروپالیرنک کی آراسنده نایت بیوک بفرق واردر . بزروابط اجتماعیه بی اصول دینیه ایله تأید ایتش اوله برامتز که - متمسکلرینی سعادت حیاتیه ایصال ایدن - او اصولی ترک ایتش اولمقدن بشقه هیچ برسبیله عرش عظمت و اقبالزدن هبوط ایتدیگمز اذهانزده کولکشمشدر ؛ اونلر ایسه افرادی آراسنده کی ارتباط ، روابط جنسیه یاخود وطنیه تأثیریه حصوله کلمش برطاقم امتلردر که تعالیم دینی بی بر طرفه آتدقجه بوکونکی ترقیه واصل اوله مدقلری قفالرینه یرلشمشدر .

شمزی هر ایکی طرفک اصول اجتماعیه سنه طوغری عطف ایدیلن شوبسیط نظر بزى اقتناعه کافیدر که بز آرتق ارامزده کی رابطه دینیه قالدهرق اونک مقامنه رابطه وطنیه یاخود جنسیه قائم اولدقجه ، کذلک دینک بادی اجلال اولدینی اذهانزده سیلنهرک یرینه دیانت اسلامیه بی ترک ایتدیگمز صورتده اوج سعاده ارتقا ایدیه منز و اهمه سی یرلشمکجه شئون حیاتیه ده اوروپالیرلی تقلید ایتیه ، اونلرله برسویه ده بولونمایه قدرتیاب اوله مایز . یا بوانقلاب سریمک حدوثنه نصل امکان تصور اولنه بیلیرکه دینک دردیمزه درمان عاجل اولدینی نجارب علیه هرکون بزه کوسترمکده در . حتی بزمله برابر غرب مشاهیر علماسندن برچوغنی ده بو حقیقتی ادراک ایتملردر . خلاصه بزیم اک باشلی رابطه من ، مدار موجودیتز ام سائرته عالمک روابطی جنسندن اولیوب طورورکن آرتق نظر منزه معزز اولان مدنیتمزک تعلیماته موافق کلیمه جک ، وجود قومیتزک طبیعتی صارصه جق اولان شؤنک هیچ برنده ملل سائرده من هیچ برینی تقلید ایتک بزیم ایچون قطعاً طوغری دکلدر . بونلرک هپسندن بشقه غربک قادینلری حقیقده تعقیب ایتکده اولدینی طریقک مهلاک محظاطره لر ، قورقونج کردابلرله طولی اولدینی ینه اونلرک اک بیوک اجتماعیونک شهادتیه ثابتدر .

پک اعلا اونلر قادینک ارکک ایشیله اشتغالنی دفع و تلافیسی الزم اولان برمرض اجتماعی طرزنده تلقی ایدوب طورورکن بزیم ایچون او خسته لانی زورله کندیمزه کچیره لمده صکره اوجاع و آلامنه تحمله مجبور اولالم ؟ اگر بهمه حال برشیده اونلره امثال ایتمه من لازم ایسه نه ایچون بوامثالی ، بوقلیدی صاعلام اولدقلری برایشه حصر ایتیمه ؟ بزیم ایچون



یارادیشد. او حالده هیچ شبهه یوقدرکه بو حالت قادینک شخصیتی فساد سریع ایله افساد ایدر. كذلك هیچ شبهه یوقدرکه بویولده کی قادیلردن بر قسم کبری هیئت اجتماعیه قورقونج بر طاقم رخنه لر آچارلر.»

شهرتی آفاقگیراولان بر اجتماعینک شوسوزلریله دست احتجاجزده کی بیکلرجه امثالی بزه صورت واضحده کوسترمکه درکه: مدنیت غربیه نك شکل حاضرنده اومدینک عناصر مرکبه سنه، باخصوص قادیلر طرفندن یقینده بر بالای مبرمک صوت ایده جگنی لسان انذار ایله ناطق برچوق امارلر موجوددر. بناء علیه شتون حیایه نك برنده غربی تقلید اتمه من قطعی اللزوم ایسه باری اوتقلید ایده جگمز شیء — سوکنده بر کرداب عمیقه دوشه رک بی وندامتار اظهارینه محکوم اولمادن — باصره عقل و حکمت ایله تمیزه، انتقاده چالیشلم. یوق، اگر اتملرک مستقبلیه ارتباط متینی بولنان مسائل کبری اجتماعیه تمیزه مقتدر دکل ایسه ک هیچ اولمازسه بوبابده کی طریق سدادی اومدینک علماسندن تحقیق اتمک، اولرک تجارب یومیه لرندن مستفید اولمق بزم ایچون پک قولایدر.

اگر قارئین کرام غرب علماسنک بو خصوصده کی مطالعاتی اوکرنمک آرزو ایدیورلرسه بوکون فلسفه حسیده استاد طانیلان علم اجتماع واضی فیلسوف اوکوست قونک نظام سیاسیسندن ترجمه ایتدیگمز شو سوزلره عطف نظر بیورسونلر. استاد قادیلرک ارکک ایشلریله اشتغالی مسئله سنی، بویوزدن هیئت اجتماعیه طاری اولان قاریشقلنی درمیان ایتدکدن صکره دیورکه: «لکن مبنای مدینتی بیقان، اورته انی فساد ورن بوکی اوهامه مقابل حیات نسوانی تمامیه ضامن اولمق اوزره برقاعده طبیعیه وضع اتمک ممکندر بوده ارککلر حقنده قادیلره قارشى برطاقم وظائف ماده تعیین وتحدید اتمکه اولور. اشته بوقاعده طبیعیه هر زمان اجرای سیادت ایده بیله جک، هر زمان موقع حرمتی محافظه ایلیه جک برطرزده وضعه مقتدر اوله بیله جک برواضع واریسه اوده روح حقیقی احراز ایله ممتاز اولان فلسفه حسیده در. مع مافیله بومیل عمومی هرکسدن اول اویندیران فلسفه جدیده (فلسفه حسیه) دکلدر. بونک یابدینی شیء عالم انسانیتده کی حرکاتک مجموعنی مدققانه تأملندن صکره اومیل عمومی بی لایقینه تقدیر اتمش اولمایدرد.

ارککلک قادینی بسله می لازمدر. اشته بودستور بشر ایچون طبیعی برقانوندر. هله قادیلر ایچون اصل اولان حیات بتیهه موافق برقانون واریسه اوده بودر. كذلك بوقانوندرکه الک فنا بر شکل اجتماعینک کوزلشهرک انسانیتک ترقیاتی نبتنده کسب کال ایده جگنی کوسترر. زیرا حال حاضرک قادیلر حقنده طلب اتمکده اولدینی ترقیات ماده دن هیچ بری ایچون بوقانون اساسی به کال دقتله تطبیق اولمق لزومندن قور تولوش یوقدر. بوندده هیئت اجتماعیه نك علاقه دار اولدینی ایشلرک کافه سنه، خصوصیه عمله اجرته قارشى برعکس العمل حادث اولمق ضروریدر. كذلك میل فطری به موافق اولان بوقانون حرکت تولید ایدیچی برآت اولان ارکک اوزرنده سوعلی بر عامل،

بر مؤثر اولمی اعتباریله قادینک وظیفه مقدسه سیله ده ارتباطده در بو اجبارده (ارککلک قادینی بسله مهیه اجبار ایدلمی) عینیه طبقه مفکره نك یعنی خواصک کندیلرندن بکلدنیلن وظیفه اصلیه بی کال حضور و فراغ ایله ادا ایده بیلر ایچون طبقه عاملیه یعنی عوامه اولکیلرینی بسله مک ایچون اولنان اجباره بکزر. شو قودرکه ارککلرک قادیلره قارشى اولان وظائف ماده لر می ده مقدسدر. زیرا قادیلرک وظیفه سی حیاتلرینک بتی اولمی اقتضا ایدر. برده بواجبار طبقه مفکره به نسبته انجق تضامنی و عارضی اوله بیلر. حالوکه نسوانه نسبته بویله دکلدر چونکه اوزمان اصلی و ذاتیدر.»

بوسوزلری علم اجتماع اساتذهنک رئیس، فلسفه حسیه نك مؤسسی سویلور. فلسفه حسیه ایسه بشرک حس و مشاهده طریقیه حقائق اشیا به حکم ایده بیلک ایچون ظفریاب اوله بیلدیکی وسائطک غایه سیدر. باقیگمز قادین ایچون اعمال خارجیه ده ارککله مشارکته جواز اولمدیغه فطرت، طبیعت، اقتصاد نامنه نصل حکم ایدیور. ای دین فطری اصحابی هیچ بزم ایچون بوندن صوکره احکام فطرتیه عصیان اتمک یاقیشیری؟ شمعی بر معترض چیقوب دییه بیلرکه: ای اما یا بلاعالمه برچوق قادین بولمی مقتضای حال اولدینی زمان نه یاپلم؟ نك ارککلرله اعمال خارجیه ده مزاجه اتمسونلرده وارسونلر آچلقدن کبرسونلری دییه لم؟ بز دیرزکه بر کره قادیلرک اولری خارجنده چالیشملری هیئت اجتماعیه ایچون مهم برخلل، برفساد اولدینی قبول ایدلکدن صکره آرتق جمعیت، جمعیه قارشى اولان محبت بزى بونسادک انشارینی، توسعنی تسهیل چالیشمامه به سوق ایدر. ده طوغریسی حسب الانسانیه بورخنه بی سد اتمه به، اولانجه وسعمرله، استطاعتمزله بومرضک اوکنی آلمیه چالیشهرق آوروپاده، آمریقاده حکومتله قادیلرک راحتنی کافل اوله جق قوانین وضعی تکلیف کی خیر خواهلقلرله، خیرکار- لقلرله آتی انسانیتی اعمار چالیشان رجال حتی تقلید اتمه من ایجاب ایدر. هله طورک برکرده مدینت اسلامیه به باقلم که پنجه آهنین فقر و سفالته قارشى بوجنس رقیقک حیاتی مدافعه ایده جک برقانون وضع اتمش میدر؟ اوت «برقادینک قوجه سی اولسه ده بتون اقرباسی ایچنده معیشتنی کافل اوله بیله جک کیمسه بولمسه او زمان اونک انفاقی اداى حوائجی بیت الماله عاقد وواجبدر» حکمیه بوجهتی ده تحت ضمانه آلمشدر. اشته بو حکم مدینت اسلامیه نك ویردیکی بر حکمدرکه فلسفه عملیه وحسیه اصحابی — عالم بشریتده کی حرکاتک مجموعنی نظر امعانه آلدقن، منسوب اولدقلری ملترده انقلابات زماندن بیکلرجه دور کچیردکن صکره — نهایت ینه اوکار رجوع ایدیورلر. اشته او فلسفه نك شیخی و مؤسسی اولان اوکوست قونت نظام سیاسیسنده دیورکه: «قوجه سی واقرباسی بولنمیان قادیلرک هم قور تورلمری قابل اولمیان عدم استقلالرینه، همده خصوصیه وظیفه معنویه لرینه مقابل معیشتلرینی تکفل اتمک هیئت اجتماعیه اوزرینه واجبدر. ترقی انسانیتک معنای حقیقیسی اشته شو سوزدن عبارتدر: قادینک حیاتی امکان مساعد اولدینی قدر بتی اولمی، هر بر عمل خارجیدن تخلیص ایدلمیدر، تا که وظیفه



اصلیه سنی استیلان صورتده ادا ایده بیلسون . « .

اشته بوقرار یکر منجی عصر اصحاب فلسفه سنک ویردیکی برقرار در که  
صول مدنیت اسلامییه تمامیه مطابقتی میدانده ایکن آرتق بوندن صکره  
هانکی حجتہ استناداً طوتهلمده خلقه مدنیت مادیه اصحابنک امراضی  
تقلیدی توصیه ایدهلم . زیرا اونلرک بوکبی خسته لقلربی آلمیه اوزه نیرده  
اشتداد مرضه پک مساعده اولان بو حال ضعفمزله کندیغزی خسته  
ایدر سداک صکره اونلری ، قادینلری مشاق عملیه دن ، اشتغالات خارجیه  
اسارتدن قورتاران یکی بر قانون وضع ایتمش ، کوردیکمز زمان یکیدن  
خلقه دونهرک بوسفرده اولجه تلقین ایتمش اولدیغمز وصایای ابطالمی  
قالقیشه جغز ؟

مدنیت اسلامییه که بشرک کوندن کونه یا قلاشمقده بولندیغی غایه  
کالدر بونی عیاناً کوردکن صکره بو قدر غریب تکلفلری بیلم نهدن  
اختیار ایتلی در ؟ عجباً قادینلرک اعمال و اشتغالات خارجیهده ارککارله  
اوغراشمه سنی مدنیتک بر شکل جلی عد ایدن ، بونک ترقی بشرک اک  
بیوک بر خطوه سی بولندیغنه قائل اولان بعض شرقلیره رغماً نسوانک  
خارجده چالیشملربی کره کورمه یه آوروپا علماسنی اجبار ایدن سائق نهدر ؟  
أوت اونلری بو استکراهه اجبار ایدن سبب قادینلرک دوشدکلربی  
کورمش اولدقلری سوء نتیجه دن بشقه بر شی دکلدر . بیچاره قادینی  
کور بیورلرکه اسیر ، مسکین ، ارککک یانی باشنده طورمش اونکله  
اوموز اوموزه پنجه پنجه اوغراشیور . فقط نه قدر چالیشه ینسه  
خصمتک بکنیه رک باشنی چویردیکی فضلاتدن بشقه بر شی بوله میور .  
نه قدر سعی و عمل ساحه سی وارسه هپسنده هم کندیسی هم ده النده کی  
ماملکی رقیبتک هدف تغلی اولیور .

حریت نسوان طرفدارانک اک شدتلیسی بولنان فیلسوف فوریه  
دیور که : نهدر قادینک بو کونکی حالی ؟ ارککک ترزیلک ، زینتیه  
متعلق ایشلرکی اینجه ایشلره وارنجیه قدر هر شعبه سنه طالمش اولدیغی  
عالم صناعتده بیله حرمان ایچنده یا شایورلر . زوالیلر بر کوشه یه چکیلمش  
اک آغیر ایشلرله اوغراشیورلر . پک اعلامالین محروم اولان قادینلر  
ایچون منابع معیشت نه اوله بیلیر ؟ ایکنده می بوقسه - کوزلسلر - جالاریعی ؟  
أوت زوالیلرک چاره یکنه لری سرأ یا خود علناً سفاددن بشقه بر شی  
دکلدر . بو ایسه اوله بر چاره در که مراجعت اولمنسنه فلسفه رضا کو-  
سترمز . اشته سوکنده زواللی قادینلرک نصیبی شو منحوس حالته منجر  
اولیور که بوده ایکی سبیدن ایلری کلپور : بری مدنیت حاضره ، دیکری ده  
شمدی به قدر محو و ازاله سی حتمده اعمال فکر ایدلمین اسارت زوجیه در .  
پک اعلا یا قادینلرک شو حال حزینده عدالتدن بر اثر اولسون کوره بیلیمک  
بزم ایچون قایلیدر ؟

زواللی قادین بو مزاحمات شدیدیه ایچنده نه یاپار ، نرہیه کیدر ؟  
دیورلر که عصرلر تجدد ایتدکجه انسان سعادت مادیه جهتندن ارتقا  
ایلدیکی کبی احتیاسات روحیه ، مرحمت قلبیه طرفندن دخی ترقی ایدر .  
یا اوله ایسه نصل اولیورده بو جنس رقیقک شو یکر منجی عصرده کی  
حال سفالتی یورکلری پارچه لامیور ؛ سینلری آتش حزن ایله داغدار

ایتمیور ؟ آزا جق شفته دن نصیبی اولان هانکی انسان قبول ایدر که بیچاره قادین  
جسماً و روحاً هپ اونک ایچون پارادلمش اولدیغی وظیفه طبعیه سندن  
هیچار لسونده بو هیجان خونین معیشتک آلوری ایچنه براغلیویورسون ؟  
انسانک مادیاتی حدودنده طور میهرق معنویاتی ده پاعمال ایدن بو مزاح-  
جات شدیدیه ایچنده زواللی قادین نه یاپار ، نرہیه کیدر ؟ باقیکنز فیلسوف  
( پرودون ) نه دیور :

« انسانیت هیچ بر فکر اخلاقیدن ، سیاسیدن ، فلسفیدن طولانی  
قادینلره بورجلی دکلدر . زیرا بشر طریقی علمده قادینک یاردیمی  
اولمق سزین بول آلهرق بر چوق عیبرالعمول کشفیاته موفق اولمشدر .  
انسانیت بر کونه اختراع صناعتیدن ، یا خود هیچ اولمازسه اهیتمسز بر  
آنتک ایچادندن طولانی ده قادینلره بورجلی دکلدر . چونکه اختراع  
ایدن ، اکیال ایدن چالیشان ، سعینی ثمره دار ایلین ، قادینی بسلین یا لکنز  
ارککلدر . قادینلرک علم و ادب سباقکاهنده کوستردکلری حرکات ایسه  
اونلرک فابریقه لرده کورمه کده اولدقلری ایشک عینیدر . چونکه بونلر  
فکر و قریحدنک اعمالنه لزوم اولمان ایشلرده بریارارلق کوستره بیلیرلر .  
بناء علیه بوکبی یرلرده ماقاره و چیقریق مثابه سنده درلر . »

باق شو زواللی قادینه ! ارکک اونی نصل مزاجاتی آلتنده ازیور ،  
نصل حیاندن ، اسباب معیشتدن محروم براقیه چالیشیورده صکره نصل  
برطاقم آلات خسیسه یه بکزه دیور !

بن مسلمان قادینی بو حاله کلکدن تحذیر ایدرم . براقک اونی اوئنده  
خاتم اولهرق او طورسون ، مواهب فطریه سنک تربیه سنه اهتمام اولنسون که  
- یوقاریده کی فصلم زده سویلدیکنز وجهله - بو مواهب تربیه ایدلیدیکی  
صورتده قادین ایچون جنسنه خاص ارلان کاله وصول چاره سی استحصاله  
اولمش اولور . ارککده آرتق بو خصوصده اونکله مسابقه یه ، معارضه یه  
قدرتیاب اولماز . لوازم طبیعی معیشتی هانکی صورتله اولورسنه  
اولسون تدارک ایدوب کتیرمکده طوعاً و کرهاً قوجه سنک عهد سنه  
تحمیل اولنسون . دائماً نزدیک زده کی موقعی بدنه نسبتله بتون اعضای  
سأره یی کندیسنه خادم ایدن قلب کبی اولسون . اوده بو مقام رفیعک  
شرفی تقدیر ایتسون . جهلندن طولانی تمسخر اولسون زیرا او بر  
هر ضدرکه اوافق بر جهد ایله زائل اولور . حالبوکه بر کره بو نظامی  
بوزارده کندیسنی حیات خارجیه رزمکاهنه آتارسه آرتق صکره دن  
نه قدر عرض اشتیاق ایدرسه ایتسون عائله سی میانده کی مرکز مقدسنی  
استردادده موفق اولماز .

شمدی بن مسلمان قادینلرینک حالنی تهذیب ایتک عزمنده بولنان  
ارباب همتک شو حکمت بالغه یی کمال امان ایله دیکله ملربی رجا ایلرم که  
بونی مدنیت مادیه نک اعظم رجالدن مؤسس لردن اولوب فضیلتی  
عموم عنندنه مسلم اولار ( زول سیون ) سویله مشدر . بو ذات لوغو-  
فیه نک تألیف ایتمش اولدیغی بر کتابی حقدنه بر مطالعه یوروده رک  
دیور که : « قادین ، قادین اولهرق قالمیدر ( بوسوز لوغو فیه نک سوزیدر )  
اوت قادینک قادین اولهرق قالمی لازمدر . زیرا بو صفتله هم کندی  
سعادتنی تأمین ایده بیلیر ، همده اوسعادتنی باشقلرینه ویره بیلیر . اوله ایسه



قادینلرک حافی اصلاح ایده‌لم . لکن اونلری دکیشدیرمکدن ، ارککه قلب ایتمکدن حذر ایده‌لم . زیرا قادینلر ارککشیرسه برچوق منفعت غائب ایدرلر . بزایسه هرشی غائب ایتمش اولورز . چونکه طبیعت بتون مصنوعاتی کمال اتقان ایله ابداع ایله مشدر . او ایله ایسه بزده طبیعت لایقیده تبع ایده‌لم ، برقات دهآ تهذیبنه چالیشلم ، قوانین طبیعتدن اوزاق اولان شیلردن صاقینه‌لم . . . . فلاسفه‌دن بمضیلری حیات مکاره ایله محاطدر دیورلر لکن بونلر مادام‌العمر ذوق محبتی طامدقلری ایچون بوسوزلری سویلورلر بن ایسه دیرم که حیات کوزلدر ، مبارکدر ، انجق ازککله قادیندن هر بری جناب حقک کندیلرینه تخصیص ایتمش اولدینی موقی بیلیمک شرطیله .

عجبا جمعیت انسانیه بیوک بیوک اثرلر براقش اولان بو استاد اقتصادی بوکی نصایحی نه ایچون ایراد ایدیور ؟ شوونک ایچون که قادینک بو واسندن چیقارق فطرة کندی وظیفه‌سی اولمیان ایشلرله اوغراشمی کندیسنی عاقله‌سندن نزع ایتمکه ، اونیک تمنی بیتمقده اولدینی کوزیله کورویور ، نته‌کیم یوقاریکی فصلزده بوندن بحث ایتمش ایدک . ذاتاً بوذات ایله هم فکر اولان ، رأینی تصویب ایدن دهآ برچوق علما بولدینی ایلریده مطالعه‌لری سرد ایدلدیکی صروده کوریله جکدر . نسوانک اعمالده ارککلرله مشارکت ایتلرندن تولد ایدن اقتصادی ، عاقلی برچوق احوال سیئده‌دن فضله اوله‌رق بونک اونلرک اوزرنده وحد ذاننده عجیب اولان دیگر برتأثیری دهآ یوز کوستر مکده‌در .

انسانیتک احوال وادواری حقننده غایت مهم مباحث سردیله مشهور اولان (کیوم فر) دیورکه : « آوروپاده ارکک ایشلریله اشتغال ایدن برچوق قادینلر بولونیور . بونلر بوسبیدن ازدواجه قطعاً یاناشمیورلر . اشته بوکی قادینلر جنس ثالث دیمک پک طوغری پک موافقدر . یعنی بونلر ارککده دکلدردقادینده دکلدرد . چونکه طبیعت وترکیب بدن اعتباریله اولکیلرینه ، وظائف واعمال جهتیله ایکنجیلرینه مخالفدرلر . » استاد بوزمرده بولنان قادینلرک احوالی مدقفانه تبع ایدرک شو حقیقته ، شوتیجه‌یه ظفریاب اولمشدرکه قادینلرک کندیلری ایچون طبیعی اولمیان بوسناعی حیات صنایعه تعیش ایدرک وظائف طبیعی‌لرندن ، جسماً وروحاً منحصراً اونک ایچون یارادلش اولدقلری وظائف طبیعی‌لرندن انزاع ایتلرله آرتق احتساملریده بنات جنسلرینک ، احتساملندن آیرلش ، کندیلری دائمی بریاس ایچنده ، آلام ایچنده بولونیورلر . گویا که فطرت بشریه بو بیچاره‌لری حقوقلرندن غافل براقدینی کندیلرینه فعلاً کوستریور . « دهآ صکره دیورکه : « آرتق علمای اجتماعیون احکام طبیعییه ، قوانین فطرتیه مغایر اولان بو حالک عاقبتنده کی وخامتی ادراکه باشلادیلر . زیرا ارککلرله مزاجه‌لرندن طولایی بویولده کی قادینلرک بر قسمی جمعیتک باشنه بار اولیورلر . ایشلیه جک ایش بوله میورلر . اگر حال بومنوال اوزره دوام ایدرسه بوندن عظیم التأثیر برفساد اجتماعی نشأت ایتک طبیعیدر . » یاوقدر سوزدن صکره‌ده قادینلر حیات خارجی رزمکانه آتیلملری ایچون نصیحت ویرمکه دوام ایده جکمی یز ؟ بو حالک امتلرک بلنی بوککده

اولان بمررض اجتماعی اولدینی ثابت اولدقندن صکره آرتق تأییدینه ، دأثره‌سنک توسیعه‌نه چالیشمق بزه لایقمیدر ؟ غربیلر ملیونلرجه فابریقه‌لری ، دستکاهلری ، الحاصل ایش ، قازانچ محالری وارکن بو حالک اساسندن قالدیرمه‌یه اوغراشوب طوردقلری حالده بز وسائل عملیه‌مک قلیله برابر نصل ادامه‌سنه ، تعمینه چالشیور ؟

آرتق هر بری بر درس عبرت اولان بو قدر حقاقدن صکره بزم ایچون ال اله ، باش باشه ویره‌رک ( ان شاءالله کتاب مدنیتزده حسنی و عملی بر صورتده کوریله جکی اوزره ) نظام فطرت بشریه‌نک ترجمه‌سی ، لسان قوانین طبیعی‌نک ترجمانی اولان شریعت اسلامییه بی محافظه‌یه چالیشمق واجب اولمازی ؟

مادام که اورته‌ده بزنی اوقانون لاهوتینک اوامرنندن تبعید ایدن ، نواهیسنه یا قلاشدیران بر علتک وجودینی کورویورز ، اوحالده کندی علیهمزه قالدهرق او داهیده معین اولمقندن ایسه اسباب ظهورینی ، منشئی طریق سداد و حکمت ایله آراشدیرمق بزم ایچون اک موافق بر حرکت دکلیدر ؟

(المرأة الجدیبه) مؤلفی دیورکه : « مملکتزده کی ارباب قلمک اورته‌یه چیقه‌رق بو کونکی حالزندن ، بونک زمان کچهرک ایلریده واره‌جنی طوردن مشتکی اولملری کذلک آوروپاده ازدواجک آزماسندن ، قادینلرک ارکک ایشلریله اشتغالندن طولایی سرزده ظهور اولان وقایعی مقام استشهادده ایراد ایله‌ملری بزجه بر فائده‌ی مفید اوله‌ماز . زیرا بوکی شکایتلرک حادثات عالمک طرز جریانی اوزرینه هیچ بر تأثیری اوله‌بیلک ممکن دکلدر . ذاتاً اگر حالک دکیشمی ایچون شکایت کفایت ایده‌یدی او زمان ایشلر پک قولای اولوردی . »

پک اعلا مادام که ایش بویله‌در . شکایتندن ده هیچ بر فائده‌یوق ، یا مؤلف جنابلری قادینلرک حالزنده کی فنالقندن نیچون شکایت ایدیورلرده بونک تبدیلی توصیه‌ده بولونیورلر ؟ اگر عقلای عالم کی کندیلریده ازدواجک آزماسنی ، قادینلرک ارکک ایشلریله اوغراشمسنی برفساد اجتماعی اوله‌رق تلقی ایدیورلر سه نهدن بوندن شکایت ایتمیورلر ، محو وتلافیسی یولنده چالیشمیورلرده بالعکس بو حالک هنوز بزده کی دأثره‌سنک طارلقندن مشتکی اوله‌رق توسعنه سعی ایدیورلر ؟

بر مملکته کیروبده اوراده تطهیرات صحیه‌نک فقدانندن ، اسباب انتانیه‌نک کثرتندن طولایی ویامیقروبلرینک اهالی بی آله‌بیلدیکنه استیلا ایتمکه اولدینی کورن بر طبیعتک بو حاله قارشی عهده‌سنه ترتب ایدن وظیفه‌نهدر ؟ ناسه اومرضی تولید ایدن میقروبلرک تأثیراتنه عرض انقیاد ایله نصیحت ایلکمیدر ؟ یوقسه خسته‌لنک شدتی تعدیل ایچون اورته‌ده کی مغل صحت سردارلقلرک ازاله‌سنی توصیه ایتکمیدر ؟ اگر نصیحتک خلقی حفظ صحته تشویق خصوصنده هیچ فائده‌سی یوقسه اونلره امراضی سودیرمک خصوصنده بر تأثیری اولماق دهآ طبیعیدر . ینه مؤلف دیورکه : « حقیقته امتک اوزرنده تأثیری کوریلن اک مهم عامل ، مؤثر ینه امتک حالت اقتصادی‌سندن عبارتدر . فقط شایان تأسفدرکه بو حالک اوزرنده اجرای تصرف ایتک ، اونی استثنی کی

مستحقانه تأدیه ایلک . امانتله خیانت ایتک . نصل که آیت اخراده تصریح وار : [ یا ایها الذین امنوا لا تخونوا الله والرسول ... ] امانته خیانت ایتک ، الله ورسولنه خیانت ایتکدر .

« امانت » فی الاصل مصدر در ، فقط بوراده اسم اوله رق ایراد بیورلمشدر ، « مؤتمن به » معناسنه ، بوکابناء جمع صیغه سیله وارد اولمش . مصدر لر جمعلمنز ، فقط اسم قیلنجه اسمیتنه رعایه جعلنیر ، ایشه نه قدر سزه امنیت ایدیش ، تسلیم ایدیش ، ذمتکزه ایداع ایدیش وظائف وارسه جمله سنی حسن استعمال ایدک .

فخر رازی دیور : بوامانة الله اوج قسمه تقسیم اولنور . امانة الله رعایت ایتنهک وجوبنه دائر برچوق احادیث ، برچوق آیات قرآنیه وار ، از جمله [ انا عرضنا الامانة على السموات والارض ... ] ، [ والذین هم لاماناتهم وعهدهم راعون ] مؤمنلر اول کیمسه لر در که هر برامانتری ، عهدلرینی حسن رعایتله ، شرائطنه صراعاتله ایفا ایدر لر .

امانت اوج قسمه تقسیم اولنور : بر قسمی قول ایله ربی بیننده ، بر قسمی هر قولک عباد الله قارشی بورجلری ، وظائفی .. بر قسمی ده هر کسک کندی نفسنه قارشی اولان وظائفی . بونلرک جمله سنی امانته داخلدر . شمعی جناب حقه قارشی وظائفمز نه در ؟ . الله ایله قول بیننده اولان امانت لری تعداد وتفصیل قابل دکل . اول درجه واسع در . نه قدر مأموربه اولان شیلر وارسه جمله سنی ایفا ایتک ، منهی عنهلری ترک ایتک ... هپسی بو قسمده داخلدر . آبدستدن طوت ، اوروج ، حج ، زکات ... هپسی امانة الله در . ابدسته ، غسله دقت ایتک ، دائماً پاک اوله رق کز مک ، مؤمنک برنجی وظیفه سی در . اوروج امانت در و برسر در قول ایله الله بیننده . هر کسه قارشی خلافی ده کوستریلیر ، ریا کارلق ده ایدر قول . فقط الله عالم السر والخفا یادر .

بتون اعضا وجوارح امانة الله در ، هپسی حسن استعمال ایله مأمورز . کوزمزله حلال اولان شیلره باقه جفز . نظر استحقار ایله فقرايه باقايه جفز . قولانغزله حرام شیلری دیکله میه جکزه ، مشروع اولمایان شیلره ، قولاق آصمایه جفز . لسانغزله طوغروبی سویلیه جکزه . کذب دن لسانغزی محافظه ایده جکزه . حتی مالا یعنی دن ، لزوم سنز شیلردن چکنه جکزه . چونکه مالا یعنی به لسانی آیشدیر مرق فناشی .

[ وهل یکب الناس فی النار علی مناخرهم الا حصائد السنتهم ] اکثر ناسک برولری اوزرینه نار جحیمه دوشمسی ، عذب قیلنسی ، حصائد السنه سیبیله در . یعنی لسانیله کسب ایلدیکی سینات بویله باعث دخول نار اولور . انسان لسانی محافظه یه اعتنا ایتلی . چونکه سوکرا دنیا ده ، آخرتده موجب فلاکتی اولور .

« امانت اه » بتون تکالیف الهیهی ، جمله سنی جامع اولدقندن سوکرا نه یده شمولی قطعی در ؟ عباد الله قارشی وظائفه . مثلاً ویدیهلری رد ایتک ، برامانت ، برودیعه بولنورسه صاحبی ایستینجه کندیسنه ، وفات ایتش اولورسه وارثلرینه تسلیم ایتک لازمدر .

فخر رازی تفسیر ایدییور تفسیر کیرنده : ودایی رد ایتک ،

صورته چویرمک کیمسه نک دست اقتدارنده دکلدر .

یک اعلا ایتک احوال اقتصادی لرینی استنبان صورته اداره ایتک قولای دکسه یا اولنرک حالت اجتماعی لرینی ، حالت اخلاقی لرینی اداره ایتک نه قدر ده کوج اولق ایجاب ایدر ؟ بونکله برابر اگر بو حالت اقتصادی مؤثرات ارشادک ، اصلاحک تأثیریه قابل تبدل دکسه یا نهدن بو عالم متمدنه علمای اقتصاددن مرکب بویله برجم غفیر میدانه چقیور ، نهدن بو جماعتک منسوب اولدق لری اقوام بونلرک مباحث علمیلرینی صوصامش بر آدمک صویه کوستردیکی اشتیاقی اگدیرر بر شوق ایله تلقی ایدییور ؟ اگر اوروپا لیره امتثال بزم ایچون مطلقاً لازم ایسه نهدن بزده او اقتصادیون کی خلقی اشکال معیشتک الک موافقنه ، الک سالمه ، الک کوزلنه سوق ایتک طرفنه یا ناشیمه لمده اولنره فسادات اجتماعی نک الک دنیسیله عمل ایتلرینی توصیه ایده لم ؟

ترجمی : محمد عاکف

## مَوْلَاعِظًا

مقررئ : مناسرتل اسماعیل حق افندی  
محرری : سپروزی ح . اشرف ادیب

درس ۴۸ : ۱ اغستوس ۲۲۴

اعوذ بالله من الشيطان الرجيم . بسم الله الرحمن الرحيم

[ إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا وَإِذَا حَكَمْتُمْ بَيْنَ النَّاسِ أَنْ تَحْكُمُوا بِالْعَدْلِ إِنَّ اللَّهَ نِعِمَّا يَعِظُكُمْ بِهِ إِنَّ اللَّهَ كَانَ سَمِيعًا بَصِيرًا ] صدق الله العظيم .

[ ان الله ] علی التحقیق الله تعالی ...

( الله ) اسم شریفی ، اعظم اسماء الهیه در . اسم اعظم اولسنه جمله علمانک اجاعی وار . چونکه هم صفات علیه جلالیه وقهریه ، هم صفات جلیله جالیه واکرامیه ... جمله سنی مستجمع اولان ذات واجب تعالی حضرت لرینه علم خاص در . « الله » اسم شریفی ذات الوهیتیه موضوع . اسم خاص اولدینی ایچون هم صفات جلالیه یی ، هم صفات جالیه یی مستجمع در . دیکر لری ایسه یالکزه برصفته دلالت ایتکده در . بوراده ده زیاده اعتنا ایله ، یک زیاده تأکید ایله افاده و اشعار ایچون « الله » اسم شریفی ذکر قیلنمش در .

[ ان الله ] علی التحقیق الله جل جلاله [ یا مرمکم ] سزک جمله کزه امر وفرمان بیورور ...

امری خبر صورتیه بزه افاده بیورمسی ده آریجه برتأکیددر بلاغجه . « شویله یا یکزه ! » دیمور ، « الله سزه امر ایدییور ، بیور بیور ؛ رب ذوالجلالکزه ، الوهیتیه مفرد معبود بی مثالکزه سزک جمله کزه امر وفرمان بیور بیور . » نه بی ؟ ایکی شیئی . نه قدر احکام سبحانیه وارسه هپسی بونده داخل در .

اولا : [ ان تؤدوا الامانات الی اهلها ] هر براماتی اهلنه ، صاحبنه ،